



OPĆINSKO VIJEĆE ILIJAŠ

**Odgovori na vijećnička pitanja i inicijative sa 18. sjednice Općinskog vijeća Ilijaš
održane dana 29.03.2018.godine**

Ilijaš: April 2018.godine

Općina Ilijaš, ulica 126. Iljaške brigade br. 6., 71380 Ilijaš
tel. (++387 33) 580-620, fax. 400-505, e-mail o_ilijas@bih.net.ba
Služba za saobraćaj, stambeno-komunalne poslove i građenje
tel. (++387 33) 580-633, 580-672, 580-669



Broj certifikata: CR14625Q

HALID DIZDAREVIĆ – vijećnik SDA

Inicijativa: "Pokrećem inicijativu da se u Srednjem na mostu preko rijeke, koja se nalazi neposredno iza vulkanizerske radnje, postavi ograda. Obrazloženje: Trenutna ograda na mostu je razvaljena i nema svoju funkciju, što predstavlja svakodnevni rizik za lokalno stanovništvo koje koristi isti. Prilog: fotografija.

Odgovor: U toku je tenderska procedura izbora izvođača radova na rekonstrukciji i investicionom održavanju cesta, mostova i trotoara po Zakonu o javnim nabavkama. Poslije okončanja ove procedure i sklapanja ugovora sa izvođačem radova razmotrit će se mogućnost realizacije ove inicijative.

ARMIN MATORUGA – vijećnik SDA

Inicijativa: "Pokrećem inicijativu prema JP Elektroprivreda BiH Sarajevo s ciljem izgradnje transformatorske stanice za naselje Karaula, odnosno Gornja Karaula. Obrazloženje: Mjesna zajednica Stari Ilijaš u više navrata obraćala se spomenutom preduzeću i povratnim aktom broj 03-4-34222-34076/2012. U odgovoru je da je izgradnja trafostanice planirana u periodu 2014/2017 godine. Obzirom da je sada 2018. godina zanima me kada je stvarno planirana izgradnja trafostanice Karaula i do kada će građani Karaule uredno plaćati neadekvatnu isporuku električne energije od strane Elektroprivrede Sarajevo". Napomena: Obzirom da je ovo peta sjednica po redu, a da nisam dobio odgovor, građani su pokrenuli peticiju koju ću dostaviti nadležnoj Službi do sljedećeg vijeća.

Odgovor: Inicijativa je ponovo dostavljena Podružnici "Elektrodistribucije" u Sarajevu i do slanja materijala za sjednicu Vijeća, Služba nije dobila odgovor.

ANEL BUMBULOVIĆ – vijećnik SDA i MEHMED SINANOVIĆ – vijećnik SDA

Inicijativa: "Pokrećem inicijativu prema kantonalnoj Direkciji za puteve da se izvrši postavljanje horizontalnih usporivača saobraćaja u Podlugovima, na dijelu magistralnog puta između pružnog prelaza i raskrsnice prema Brezi. Postavljanje usporivača saobraćaja treba izvesti na način na koji je to urađeno u Lješevu i Starom Ilijašu. Treba napomenuti da je Klub vijećnika SDA Ilijaš na jednoj od sjednica u 2017. godini uputio navedenu inicijativu prema kantonalnoj Direkciji za ceste ali nismo dobili odgovor na istu.

Odgovor: Inicijativa je dostavljena Direkciji za puteve Kantona Sarajevo i do slanja materijala za sjednicu Vijeća, Služba nije dobila odgovor.

BESIM GLJIVA – vijećnik Stranke za Srednje

Inicijativa: "Pokrećem inicijativu da se hitno izvrši djelimična sanacija puta Donji Čevljanovići - Gajevi koji održava Direkcija za ceste Kantona Sarajevo. Naime, na navedenom putu se pojavio veći broj udarnih rupa. Također na određenim dijelovima puta je neophodno uraditi potporne zidove kako se put ne bi obrušio jer je isti voda potkopala".

Odgovor: Inicijativa je dostavljena Direkciji za puteve Kantona Sarajevo i do slanja materijala za sjednicu Vijeća, Služba nije dobila odgovor.

ADEM ALIĆ – vijećnik SDA

Inicijativa: "Pokrećem inicijativu da se inspekcijskim nadzorom Građevinskog inspektora utvrdi stepen oštećenja puta na Poviocu gdje se skreće prema Misoči. Obrazloženje: Izvođač radova koji je kopao za vodu i optički kabal na navedenoj dionici ostavio je nesanimirano".

Odgovor: Izvršen je inspekcijski nadzor, upozoreni su izvođači radova da u roku od 30(trideset) dana oštećenje puta koje je nastalo iskopom, dovedu u prvobitno stanje.

EDHEM HASANOVIĆ – vijećnik GS-a

Inicijativa: "Pokrećem inicijativu za izgradnju/rekonstrukciju puta u naselju Jelik – Nišići u MZ Kamenica. U pitanju je sporedna cesta na koju se uključuje sa glavne ceste Sarajevo - Tuzla (na desnoj strani) kod restorana "Bor". Cesta je u izuzetno lošem stanju (odroni, rupe, na izuzetno malom dijelu ima asfalta), te otežava svakodnevni život stanovnika ovog naselja, te bi bilo od izuzetne važnosti za stanovnike Nišića, a posebno mještane naselja Jelik, kada bi se izvršilo asfaltiranje iste. U prilogu inicijative dostavljamo slike ceste koja

se proteže u dužini cca 600 metara počevši od restorana "Bor". Slike su iz zimskog perioda te se ne može vidjeti stvarno stanje ceste na svim njenim dijelovima. Izuzetno je nezgodno kretanje automobilima ovom cestom, a imamo potrebu da istaknemo da je u zimskom periodu praktično nemoguće. Nadamo se da ćete imati sluha za ovu, za mještane Nišića izuzetno neophodnu i bitnu inicijativu, te da ćete podržati daljnji napredak i prosperitet naselja Nišići(Jelik) i naše općine. Prilog:fotografija.

Odgovor:Sredstva iz Budžeta općine Ilijaš se realiziraju u skladu sa Operativnim planom Općinskog Načelnika. Realizacija ove inicijative zavisit će od finansijskih mogućnosti Općine u 2018.godini.

DAMIR FILIPOVIĆ – vijećnik SDP-a

Pitanje:"Molim da mi se dostavi informacija o licima koja su od strane općine Ilijaš po bilo kojem osnovu stekli stanarsko pravo(kupovinom, isplatom putem sertifikata ili na drugi način) prenosom vlasništva sa općine Ilijaš na fizičko lice, te ukoliko je riječ o prodaji, napisati cijenu po kvadratu stana kao i kvadraturu predmetnog stana? Obrazloženje:Smatram da je neophodno dostaviti ovakav jedan dokument obzirom da postoje razne priče o malverzacijama prilikom ostvarivanja stvarnog prava nad navedenim stanovima koji su bili u vlasništvu općine Ilijaš od reintegracije pa do danas.Također smatram da je bitno napomenuti da se ne može pozivati na Zakon o zaštiti ličnih podataka, jer nisam tražio JMB ili drugi podatak koji će identificirati navedena fizička lica.

Odgovor:Napred navedenu informaciju Služba za prostorno uređenje i stambeno komunalne poslove, a sadašnja Služba za saobraćaj, stambeno-komunalne poslove i građenje općine Ilijaš, redovno je Općinskom vijeću kroz vjećničke materijale na kraju svake godine dostavila informaciju o stanju u stambeno-komunalnoj oblasti, obnovi stambenog fonda i komunalne infrastrukture na području općine Ilijaš za proteklu godinu, pod stavkom stambena oblast, gdje je tačno navedeno pod kojim uslovima se izvršila dodjela i otkup stanova na kojima nema povrata ili novoizgrađeni stanovi i navedena su imena i prezimena lica kojima su dodjeljeni stanovi na trajno korištenje i imena lica koja su otkupila stanove i po kom osnovu. Napominjemo da dodjela stanova na kojima nema povrata ili su novoizgrađeni dodjeljuju se na trajno korištenje a ne dodjela kao nosiocu stanarskog prava.

Ponovo vam dostavljamo spisak lica kojima su dodjeljeni stanovi, otkupljeni stanovi na trajno korišćenje, primjenom odredaba Zakona o vraćanju, dodjeli i prodaji stanova ("Službene novine Federacije Bosne i Hercegovine", broj: 28/05 i 2/08) u Ilijašu, dodijeljeni su stanovi slijedećim licima.

Komisija za odabir korisnika stanova u 2008. godini, a po projektu stambenog zbrinjavanja žena žrtva rata i korisnika socijalnog stanovanja čiji su stanovi porušeni u toku rata,vlasništvo općine Ilijaš, dodjelila je 18 stanova i to:

Spisak 9 (devet) korisnika stanova žena žrtava rata koji su dodjeljeni na trajno korištenje nismo u obavezi dostaviti radi zaštite identiteta pomenutih lica.

Korisnici socijalnog stanovanja čiji su stanovi porušeni u toku rata.

- 1.Džankić(Avdija)Vehbija,1-stan,34,57m2,ul.Bosanski put lamela I,stan 2/prŽ u St.Ilijašu,
 - 2.Begić(Ibro)Alija,1-stan,34,57m2, ul.Bosanski put lamela II,stan 2/prŽ u St. Ilijašu,
 - 3.Živković(Miroslav)Željka,1-stan,34,57m2,ul.Bosanski put lamela I,stan 4/prŽ u St.Ilijašu,
 - 4.Bisić(Husein)Džemil,1-stan,34,57m2,ul.Bosanski put lamela II,stan 1/prŽ u St.Ilijašu,
 - 5.Kastrati(Selman)Sali,1-stan,34,57m2,ul.Bosanski put lamela III,stan 2/prŽ u St.Ilijašu,
 - 6.Mujakić(Ramo)Suad,1-stan,34,57m2,ul.Bosanski put lamela III,stan 5/MŽ u St.Ilijašu,
 - 7.Džafić(Avdo)Zumra,1-stan,34,57m2,ul..Bosanski put lamela II,stan 6/MŽ u St.Ilijašu,
 - 8.Suljović(Sulejmen)Hamida,1-stan,34,57m2,ul.Bosan.put lamela III,stan 3/1Ž u St.Ilijašu,
 - 9.Korda(Nedeljko)Ruža,1-stan,34,57m2,ul.Bosanski put lamela III,stan 1/prŽ u St.Ilijašu,
- Općina zaključila ugovore sa navedenim licima o trajnoj dodjeli stana i nisu otkupljeni.

Komisija za odabir korisnika stanova po Projektu 533/2008-H. Stepic CEE Charity socijalno stanovanje u Općini Ilijaš dodjelila je 2009. godine na trajno korišćenje 6(šest)

1-S stanova u Starom Ilijašu, vlasništvo općine Ilijaš, izgrađenih u okviru naprijed navedenog Projekta za samohrane majke i to:

- 1.Spahić(Zihinja)Karmelina,1-stan, 34,57m²,ul.Bosanski put,stan1/pr u St. Ilijašu,
 - 2.Alemić(Šahman)Nezira,1-stan,34,57m²,ul.Bosanski put,stan2/pr u St. Ilijašu,
 - 3.Šehić(Azem)Mediha,1-stan,34,57m²,ul.Bosanski put,stan 3/1 u St. Ilijašu,
 - 4.Hodžić(Fadil)Jasmina,1-stan,34,57m²,ul.Bosanski put,stan 4/1 u St. Ilijašu,
 - 5.Hodžić(Atif)Elvedina,1-stan,34,57m²,ul.Bosanski put,stan 5/M u St. Ilijašu,
 - 6.Durić(Muharem)Ramiza,1-stan,34,57m²,ul.Bosanski put, stan 6/M u St. Ilijašu,
- Općina zaključila ugovore sa navedenim licima o trajnoj dodjeli stana i nisu otkupljeni.

Na osnovu presude Općinskog suda u Sarajevu (shodno odredbama sudske nagodbe kod Općinskog suda Sarajevo) za porušeni stan na lokaciji izgrađene tvornice "Megati" 2009. godine, dodjeljen je stan i to: Avdić Fuad - stan, 55 m², u ul. 126 Ilijaške brigade br. 94/1 Općina zaključila ugovore o otkupu stana i otkupna cijena stana plaćena je certifikatima.

Komisija za odabir korisnika stanova u vlasništvu općine Ilijaš a po projektu "Stambeno zbrinjavanje Roma u 2012. godini" dodijeljeni su stanovi slijedećim licima:

- 1.Suljić(Mehmeda)Nermana,2-stan,44,74m²,u naselju Mrakovo-stan br. 2/Ž-pr,
 - 2.Pandžić(Ahmeta)Jasmina,2-stan,53,61m²,u naselju Mrakovo-stan br. 1/Ž-pr ,
 - 4.Alimanović(Raifa)Munevera,2-stan,44,74m²,u naselju Mrakovo-stan br. 3/Ž-1,
 - 5.Seferović(Ćamil)Senada,2-stan,44,74m²,u naselju Mrakovo-stan br. 2/B-pr,
 - 6.Sejdić(Ćamila)Rešad,2-stan,53,61m²,u naselju Mrakovo-stan br. 1/B-pr ,
 - 7.Stanojlović(Nikole)Živka,2-stan,53,61m²,u naselju Mrakovo-stan br. 4/B-1,
 - 8.Zumberović(Sadika)Džulijeta,2-stan,44,74m²,u naselju Mrakovo-stan br. 3/B-1,
- Općina zaključila ugovore sa navedenim licima o trajnoj dodjeli stana i nisu otkupljeni.

Komisija za odabir korisnika stanova u vlasništvu općine Ilijaš a po projektu "Stambeno zbrinjavanje Roma u 2015. godini" dodijeljeni su stanovi slijedećim licima:

- 1.Alimanović(Holica)Selma,2-stan,53,61m²,u naselju Mrakovo-stan br. 1/pr ,
- 2.Sulejmanović(Fehim)Ruždija,2-stan,44,74m²,u naselju Mrakovo-stan br. 2/pr,
- 3.Seferović(Valter)Zuhdija,2-stan,44,74m²,u naselju Mrakovo-stan br. 4/1,
- 4.Husić(Junuz)Nermina,2-stan,53,61m²,u naselju Mrakovo-stan br. 3/1.

Općina zaključila ugovore sa navedenim licima o trajnoj dodjeli stana i nisu otkupljeni.

Primjenom odredaba Zakona o vraćanju, dodjeli i prodaji stanova ("Službene novine Federacije BiH", broj: 28/05 i 2/08) i Odluke o dodjeli stanova na korišćenje ("Sužbene novine Kantona Sarajevo," br. 41/14) na kojima nema povrata podnesen je zahtjev za vraćanje u posjed, vraćeni su na raspolaganje Općini Ilijaš.

Na osnovu Odluke o dodjeli stanova Komisije za stambena pitanja u 2015.godini, dodijeljeni stanovi slijedećim licima:

- 1.Osmanović(Rasim)Senida,1-S stan,30m²,ul.Ivana Franje Jukića, broj: 34/PR,
- 2.Stomornjak(Sadik)Rifet,2,5-S stan,63 m²,ul.Hašima Spahića, broj: 32/III,
- 3.Kadić(Ahmet)Asim,1-S stan,40m², ul.28. jul, broj: 11,
- 4.Samardžić(Mehmeda)Mehemed,1-S stan,54m², ul.Bosanski put broj:232/pr

Općina zaključila ugovore o otkupu stanova i otkupna cijena plaćena je certifikatima.

Na osnovu Odluke o dodjeli stanova Komisije za stambena pitanja u 2016. godini, dodijeljeni su stanovi slijedećim licima:

- 1.Dovadžija(Ibrahim)Sakiba,garsonjera 28m²,ul.Ivana Franje Jukića, broj: 34/PR,
- 2.Omanović(Omer)Ferid,1-S stan,40m², ul.126. Ilijaške brigade, broj: 8/II.

Općina zaključila ugovore o otkupu stanova i otkupna cijena plaćena je certifikatima.

Na osnovu Odluke Općinskog vijeća i presude Općinskog suda u Sarajevu u 2016. godini na trajno korišćenje dodijeljeni su stanovi slijedećim licima:

- 1.Jozić Ana,1-S stan,29m², ul.126.Ilijaške brigade, broj: 8/III,
(na osnovu Odluke Općinskog vijeća u zamjenu za porušeni stan) i

2.Samardžić(Mehmed)Demila,1-S stan 40m², ul.126. Ilijaške brigade, broj: 8/II
(na osnovu presude Općinskog suda u Sarajevu).

Općina zaključila ugovore o otkupu stanova i otkupna cijena stanova plaćena je certifikatima.

Na osnovu Odluke o dodjeli stanova Komisije za stambena pitanja u 2017. godina, dodijeljeni su stanovi slijedećim licima:

1.Jozić(Lovro)Marijan,1-S stan,40m², ul.28 juli, broj: 16/pr, Ilijaš Grad,

2.Morankić(Muharem)Senida, jednosoban stan 29m²,ul.126.Ilijaške brigade,br.3/PR,Ilijaš
Općina zaključila ugovore o otkupu stanova i otkupna cijena plaćena je certifikatima.

Na osnovu Rješenja Općinskog Načelnika izvršena je zamjena stana u 2017. godini, koji je koristio kao alternativni smještaj i na trajno korišćenje u lamelama u Starom Ilijašu dodijeljen je stan:

1.Huseinović(Huseina)Ibiš, jednosoban stan 34,57m²,ul.Bosanski put L6/S3, Stari Ilijaš.
Imenovanom urađeno Rješenje o trajnoj dodjeli stana i nije otkupljen.

Stanovi na kojim je izvršen otkup, vrijednost stana je utvrđena odredbama člana.18 Zakona o prodaji stanova na kojima postoji stanarsko pravo ("Službene novine Federacije BiH",broj:27/97). Vrijednost stana čini građevinska vrijednost stana korigovana koeficijentom položajne pogodnosti. Građevinska vrijednost stana je 600 KM/m².

DAMIR FILIPOVIĆ – vijećnik SDP-a

Inicijativa:"Obzirom da prema saznanjima u skorije vrijeme treba doći do izgradnje kanalizacione mreže u naselju Gornja Karaula, a kako su obavijestili građani ista neće obuhvatiti 12 kuća, te iz tih razloga se obraćam u ime građana navedenog naselja sa inicijativom: potrebo je da se omogući priključenje na kanalizacionu mrežu i preostalim domaćinstvima, odnosno da se produži ugradnja glavne kanalizacione mreže produživanjem iste od kuće Suljagića do kuće Lojića, odnosno da se priključenje omogući svim građanima koji stanuju na ovom lokalitetu.

Odgovor:U ovoj fazi realizacije projekta planiran je nastavak izgradnje fekalne kanalizacione mreže na dijelu trase FK4 "Donja Karaula – Gornja Karaula", te da se u ovoj fazi izvedu radovi na glavnom kolektoru dužine 775m i profilom cijevi Q250mm. Realizacija ove inicijative zavisit će od finansijskih mogućnosti Općine u 2018.godini.

Služba za saobraćaj,
stambeno-komunalne poslove i građenje